

Фармацевтика тармоғини ривожлантириш агентлигининг 2021 йил фаолияти якунлари бўйича ҲИСОБОТИ

Ўзбекистон Республикаси Президентининг 2019 йил 30 декабрдаги “Ўзбекистон Республикаси фармацевтика тармоғида ислоҳотларни чуқурлаштиришга доир қўшимча чора-тадбирлар тўғрисида” ПҚ-4554-сон қарори билан тасдиқланган 2020-2024 йилларда Ўзбекистон Республикасининг фармацевтика тармоғини ривожлантириш концепцияси доирасида 2021 йил якунлари бўйича қўйидаги натижаларга эришилди.

I. Ишлаб чиқариш.

2021 йил маҳаллий корхоналар томонидан **умумий қиймати 3,6 трлн.сўмлик** фармацевтика маҳсулотлари ишлаб чиқарилди ва ишлаб чиқариш ҳажми 2020 йилга нисбатан **29 фоизга** ўсди.

II. Фармацевтика маҳсулотларини экспертизадан ўтказиш ва стандартлаштириш бўйича.

2021 йил якунлари бўйича давлат рўйхатидан ўтган маҳаллий фармацевтика маҳсулотларининг сони **3 667 тани** ташкил этди шундан, **3 184 та** дори воситалари, **386 номдаги** тиббий буюмлар ва **95 номдаги** тиббий техника воситалари **давлат рўйхатидан ўтказилди**.

III. Фармацевтика корхоналари ва ташкилотлари.

2022 йил 1 январь ҳолатига республикамизда жами **221 та** фармацевтика маҳсулотларини ишлаб чиқарувчи корхоналар фаолият кўрсатмоқда. Улардан, **91 таси** дори воситалари, **32 таси** тиббий техника, **90 таси** тиббий буюмлар ва **8 таси** дори воситалари ва тиббий буюмлар ишлаб чиқаришга, **140 та** дорихоналар дори воситаларини **тайёrlашга** ихтисослашган.

Шу билан бирга, **616 та** улгуржи реализация билан шуғулланадиган ташкилотлар ва **15790 та** дори воситалари ва тиббий буюмларни чакана реализация қилиш фаолияти билан шуғулланувчи дорихоналар ва уларнинг филиаллари мавжуд.

IV. Референт нарх шакллантириш тизими бўйича.

Тиббиёт амалиётида қўлланишга руҳсат этилган ва Uzpharminfo.uz ахборот тизимига савдо номи, дозаси, шакли ва қадоқдаги сонини ҳисобга олган ҳолда киритилган дори воситаларнинг умумий рўйхати **32 989 тани** ташкил этади. 2020 йилдан то бугунги кунга кадар **10 023 та** дори воситаларининг чекланган, улгуржи ва чакана нархлари кайд этилди. Шундан, маҳаллий дори воситалари **2 951 тани**, хорижий (импорт) дори воситалари **7 072 тани** ташкил этади.

V. Инвестиция фаолияти бўйича.

Соҳада инвестиция дастурига киритилган **36 та** инвестицион лойиҳалар доирасида 2021 йил **97,5 млн. доллар** инвестиция маблағлари (шу жумладан, **31,7 млн. долл.** тўғридан-тўғри инвестициялар) ўзлаштирилди (режага нисбатан **100 фоиз**) ҳамда умумий қиймати **70,7 млн. долларлик 13 та** лойиҳа ишга туширилиши натижасида **862 та** янги иш ўринлари яратилди.

VI. Савдо айланмаси бўйича.

Экспорт. 2021 йилда **70,2 млн. долл.** фармацевтика маҳсулотлари ва хизматлари экспорти амалга оширилди. Прогнозга (**40 млн. долл.**) нисбатан режа **175,5 фоизга** бажарилди.

Импорт. 2021 йилда республика ҳудудига **1,26 млрд. долл.** дори маҳсулотлари **импорт** қилинган.

VII. Халқаро стандартларни жорий этиш бўйича.

221 та фармацевтика корхонадан **95 таси (42 фоизи)** халқаро ва миллий стандартлар жорий қилган, жумладан **59 та** корхонада **ISO 9001:2008**, **6 та** корхонада **ISO 13485** халқаро стандарти, **30 та** корхонада **Ўзбекистон давлат стандарти (GMP)** жорий қилинган.

VIII. Халқаро ҳамкорлик бўйича.

2021 йилнинг ўтган даврида **30 дан ортиқ** Ўзбекистон ва хорижий мамлакатларда ўтказилган форум, кўргазма, саммит ва бошқа тадбирларда Агентлик иштирок этиб шулардан **15 дан ортиқ** форум ва кўргазмалар доирасида маҳаллий ишлаб чиқарувчи корхоналарнинг иштироқи таъминланиб, жами **18 та меморандум ва битимлар имзоланди.**

IX. Мурожаатлар билан ишлаш, ОАВ фаолияти.

2021 йил Фармацевтика тармоғини ривожлантириш агентлигига жисмоний ва юридик шахлардан жами **544 та** мурожаат келиб тушди. Шундан **124 та** мурожаат қаноатлантирилди, **355 та** мурожаат бўйича тушунтириш берилди, **30 та** мурожаат тегишлилиги бўйича масъул ташкилотларга йўналтирилди.

2021 йил давомида ОАВда соҳага оид **158** марта чиқиш қилинди. **2 та** матбуот анжумани, **10 та** пресс-турлар ташкил этилди. Матбуот хизмати томонидан йил давомида Агентликнинг ижтимоий тармоқлардаги расмий саҳифалари ва телеграмдаги канали орқали умумий **4 565 та** пост нашр қилинди.